



Innkalling av Alver formannskap

Møtedato: 02.12.2021
Møtestad: Helsehuset, møterom Nordhordland
Møtetid: 09:00 -

Eventuelle forfall må meldast til <https://www.alver.kommune.no/innhald/politikk-og-hoyringar/politikk/melde-forfall-til-politiske-mote/>

Varamedlemmer møter berre etter nærare avtale.

Sakliste

Saknr	Tittel
106/21	Godkjenning av innkalling og sakliste
107/21	Godkjenning av møteprotokoll
108/21	Busetting av flyktningar 2022
109/21	Vertskommunesamarbeid øyeblikkeleg hjelp døgntilbod (ØHD)
110/21	Vertskommunesamarbeid om Nordhordland legevakt
111/21	Søknad om godkjenning til å søke startlånsmidlar i husbanken for 2022
112/21	Avtale mellom Alver kommune og Equinor Refining DA
113/21	Utbygging Knarvik - forskottering av utbygging infrastruktur
114/21	Mandat evaluering av politisk styringsstruktur og reglement
115/21	Forskrift om innsamling og handsaming av hushaldsavfall
116/21	Gebyr- og betalingssatsar 2022
117/21	Økonomiplan 2022 - 2025
118/21	Melding/orientering til formannskapet 02.12.2021

25. november 2021

Sara Hamre Sekkingstad
ordfører

Tove-Mette Arnø Fyllingen
møtesekretær

Arkiv: <arkivID><jplD>
JournalpostID:
Sakshandsamar:
Dato: 25.11.2021

Saksframlegg

Saksnr.	Utvæl	Møtedato
106/21	Alver formannskap	02.12.2021

Godkjenning av innkalling og saksliste

Rådmannen sitt framlegg til vedtak:
Innkalling og saksliste vert godkjent.

Arkiv: <arkivID><jplD>
JournalpostID:
Sakshandsamar:
Dato: 15.11.2021

Saksframlegg

Saksnr.	Utvæl	Møtedato
107/21	Alver formannskap	02.12.2021

Godkjenning av møteprotokoll

Rådmannen sitt framlegg til vedtak:
Møteprotokollen vert godkjent.

Vedlegg i saken:

12.11.2021 Protokoll - Alver formannskap - 11.11.2021 1640793

Arkiv: <arkivID><jpID> FA-F31
JournalpostID:
Sakshandsamar:
Dato: 25.11.2021

Saksframlegg

Saksnr.	Utval	Møtedato
038/21	Utval for helse og omsorg	30.11.2021
108/21	Alver formannskap	02.12.2021
	Alver kommunestyre	

Busetting av flyktningar 2022

Rådmannen sitt framlegg til vedtak:

Kommunestyret godkjenner å busetje 28 flyktningar i tråd med oppmodingstalet frå IMDI. Vedtaket inkluderer ikkje familiesameinte.

Kommunestyret er positiv til å busetje fleire flyktningar enn oppmodingstalet, men ber om ny sak om dette vert aktuelt.

Politisk handsaming

Saka skal til innstilling i utval for helse og omsorg og formannskapet

Saka skal avgjerast i kommunestyret

Bakgrunn

Saksopplysningar:

Kvart år oppmodar Integrerings- og mangfaldsdirektoratet (IMDI) aktuelle kommunar om å busette eit bestemt tal flyktningar i det komande året. Oppmodingstalet er sett ut i frå nasjonale prognosar for behov for busetting. Kunnskapsdepartementet har avgjort eit sett med kriterie for busetting av flyktningar i 2022, sjå vedlegg. IMDI har i samråd med KS vurdert oppmodinga til kommunane opp mot desse kriteria. Alver kommune vert beden om å busette 28 flyktningar i 2022. Dette inkluderer ikkje familiesameinte.

Det følgjer finansiering med kvar flyktning kommunen buset. Finansieringa er meint å skulle dekke dei kostnadene kommunane har ved busetting. Kommunen mottek støtte for kvar busett flyktning i fem år. <https://www.imdi.no/tilskudd/integreringstilskudd/> Rådmannen vurderer at det er bra kompetanse i organisasjonen på å busetje og integrere flyktningar. I tillegg vektlegg rådmannen at det vert arbeidd kontinuerleg for at det introduksjonsprogram vi tilbyr våre busette flyktningar skal bli betre, slik at den einskilde deltakar i introduksjonsprogrammet skal stå rusta til å klare seg sjølv i arbeid eller skule etter endt program.

I tillegg ber IMDI kommunen angi eit tal flyktningar som kommunen kan busetje dersom busettingsbehovet skulle auke i løpet av året. Noreg har rekna med at vi skal busetje 5500 flyktningar neste år. Uro i verda kring oss kan auke talet Noreg kjem til å busetje.

IMDI ber og om kommunen sin kapasitet til å busette personar med komplekse, helserelaterte behov som moglegvis kan føre med seg langvarig kommunal oppfølging.

Vurdering

Alver kommune vil i løpet av 2021 busetje 28 flyktningar.

Alver kommune har arbeidd godt med busetting- og integreringsarbeidet. Det er etablert eit godt apparat som

arbeider rundt tenestene og det er sett i verk gode rutinar for oppfølging av flyktningane. Dei flyktningane som kommunen no får oppmoding om busetje, er i all hovudsak overføringsflyktningar der dei fleste kjem frå leir. I mange tilfelle har overføringsflyktningar budd heile livet i leir før dei kjem hit, og det vil i dei fleste tilfelle vere kommunal bustad som er bustadtilbodet kommunen bør tilby. Det er knapt med kommunale bustader når ein ser tal kommunale bustader opp mot innbyggjartal. Rådmannen viser her til arbeid med ny bustadsosial handlingsplan.

Rådmannen vil understreke at det er kompetanse i organisasjonen til å busette og integrere flyktningar i Alver kommune. Kapasitet må byggjast opp og ned i samsvar med oppmodingstal og vedtak i kommunestyret. NAV Alver vil understreke at det ikkje har vore problem med å rekruttere godt kvalifiserte personar som kan arbeide med bustetting av flyktningar. Vi opplever og at vaksenopplæringa, skular, barnehagar, helsetenestene og andre samarbeidspartar i kommunen har kompetanse og engasjement rundt arbeidet med å busetje og inkludere flyktningar. Sentrale aktørar som til dømes skule, barnehage, helsestasjon er oppteken av det føljende ressursar med oppgåvene dei må ta i busettingsarbeidet då det ofte er trong for ekstra innsats, særleg i den første fasen av busettingstida.

Det er vanskeleg å gje eit eksakt tal på kor stor kapasitet Alver kommune har utover oppmodingstalet, men minner om at i dei store busttingsåra 2015-2017 busette dei tre kommunane Lindås, Meland og Radøy over 100 personar kvart år. Den største knapphetsfaktoren i vår kommune er tilgang på kommunale bustader. Det kan bli aktuelt å måtte å ta i bruk den private bustadmarknaden. Det er grunn til å tru at om talet Noreg skal busetje vert vesentleg høgare enn 5.500, vil den største auken knytta seg til asylsøkjjarar som går utover overføringsflyktningar. Ein større del av denne gruppa er i stand til å kunne nytte den private bustadmarknaden med ein gong eller etter ei kortare tid i kommunal bustad.

Alver kommune har tidlegare busett flyktningar med komplekse helserelaterte behov har behov for langvarig kommunal oppfølging. Alver kommune gir tenester til fleire ressurskrevjande brukarar enn mange samanliknande kommunar. Det er også meldt kommunen om auke i denne brukargruppa. Slik situasjonen er p.t for helsetenestene i kommunen vil ikkje rådmannen tilrå å busetje flyktningar med kjend komplekse helserelaterte behov dette året.

Vedlegg i saken:

25.11.2021	Oppmoding om busetting av flyktningar i 2022 - Alver kommune	1649761
25.11.2021	Anmodningskriterier for 2022	1649762

Arkiv: <arkivID><jplID> FA-G01
JournalpostID:
Sakshandsamar:
Dato: 25.11.2021

Saksframlegg

Saksnr.	Utval	Møtedato
039/21	Utval for helse og omsorg	30.11.2021
109/21	Alver formannskap	02.12.2021
	Alver kommunestyre	

Vertskommunesamarbeid øyeblikkeleg hjelp døgntilbod (ØHD)

Rådmannen sitt framlegg til vedtak:

Alver kommune seier opp avtalen med samarbeidskommunane om øyeblikkeleg hjelp døgntilbod. I løpet av 2022 vil rådmannen komme tilbake med sak om korleis tilbodet kan løysast frå 2023. Alver kommune vil i denne prosessen bidra til at samarbeidskommunane får etablert løysingar innanfor lovkrava.

Politisk handsaming

Saka skal til innstilling i Utval for helse og omsorg og formannskap

Saka skal til avgjerd i kommunestyret

Bakgrunn

Øyeblikkeleg hjelp døgntilbod (ØHD) ved Nordhordland legevakt (NHLV) vart etablert i 2013, då som eit prosjekt med finansiering frå Helsedirektoratet og helseføretak. Frå 01.01.2016 vart helse- og omsorgstenestelova endra og kommunane fekk plikt til å tilby døgnoophald for helse- og omsorgstenester til pasientar og brukarar som kommunen har moglegheit til å utgreie, behandle eller yte omsorg til. Frå 01.01.2016 er tiltaket utelukkande finansiert gjennom rammetilskot til kommunane.

Fagråd for kommuneoverlegane i Nordhordland etterspurde ei utgreiing om framtidig behov for døgnbaserte tenester, kompetansebehov og mannskapsbehov under kravet til kostnadseffektive tenester. På denne bakgrunn vart det etablert eit forprosjekt for å danne grunnlag for eit hovudprosjekt med mål om å sikre at:

- Kommunane oppfyller plikta gitt i Lov om kommunale helse og omsorgstjenester
- § 3-5, tredje ledd
- Tilbodet er rett dimensjonert i forhold til behovet i regionen.
- Samhandling mellom aktørane i ulike pasientforløp er avklara.

Det vart inngått kvar sin avtale med Lindås kommune for kommunane Austrheim, Fedje, Gulen, Masfjorden, Meland, Modalen, Radøy og Osterøy om felles ØHD-tilbod med 6 senger lokalisert og organisert ved Nordhordland legevakt i 2013. Det er 1 år oppseiingstid på avtalen gjeldande frå kvart årsskifte. Før årsskiftet i 2020 sa Fedje kommune opp avtalen og går no ut av samarbeidet frå 1.januar 2022. Alver har overtatt Lindås kommune sitt vertskommuneansvar etter kommunesamanslåing mellom Lindås, Radøy og Meland frå 2020.

Saksopplysningar:

Forprosjektrapporten og prosjektet sin konseptfase skildrar tydeleg ansvaret kommunane har for tilbodet og korleis dette kan løysast - sjå vedlegg.

Konseptfasen før eit hovudprosjekt har vist at den einskilde kommune sine behov for øyeblikkeleg hjelp døgnplassar, ressursbruk og samarbeid med andre kommunale tenester, inkludert fastlegar, i stor grad vil bli påverka av om ein vel å ha døgnplassane i eigen kommune, eller har dei samla for nokon eller alle kommunar.

Plikta til å ha kommunale øyeblikkeleg hjelp døgnplassar ligg på den einskilde kommune, og det er opp til den einskilde kommune å velje organisering av og innretning på tilbodet. For å oppfylle krav til fagleg forsvarlegheit, må det vere samsvar mellom målgruppa for døgnplassane og ressursar knytt til døgnplassane. Det finst ikkje eksplisitte krav til kor mange pasientar eller kva diagnosar kommunane skal ha i eit slikt tilbod for. «*Plikten gjelder kun for de pasienter og brukere som kommunen har «mulighet til å utrede, behandle eller yte omsorg til»* (Lov om kommunale helse- og omsorgstjenester § 3-5. *Kommunens ansvar for øyeblikkelig hjelp*, tredje ledd)

Som det er gjort greie for i forprosjektrapporten (sjå mellom anna Tabell 1. Oversikt over føringar og omgrep), var eit hovudmål med å gje kommunane ei plikt til å etablere kommunale øyeblikkeleg hjelp døgnplassar å «bidra til at ressursene utnyttast best mulig.» og «...komme tidligare inn i sykdomsforløpet for å redusere behovet for innleggelser i spesialisthelsetjenesten.», samt å bidra til «bedre pasientforløp og å gi tjenester nærmere der pasienten bor.»

Beleggsprosenten har vore svært låg gjennom fleire år og innlegging av pasientar i ØHD-senger dei siste åra for innbyggjarane i alle samarbeidskommunane samla, er som følger:

2016 346

2017 378

2018 408

2019 300

2020 – ikkje tatt inn pasientar i ØHD sidan mars månad av smittevernfare omsyn.

2021 – opna opp igjen 1.juni.

Siste rapportering til Helsedirektoratet var i 2019 og viser følgjande fordeling av innleggelsar frå kommunane: Alver (Radøy, Meland, Lindås) 213 , Masfjorden 19, Modalen 2, Fedje 4, Osterøy10, Gulen 8, Andre (pasient som ikkje har bustadadresse i nokon av kommunane) 44.

På bakgrunn av forprosjektrapporten og dei alternativa som er skildra i konseptfasen, vil ein tilrå at den einskilde kommune gjennomfører tenester og nyttar forprosjektrapporten og rapporten etter konseptfasen som grunnlag for eigne vurderingar av korleis dei ønsker å innrette tilbod om øyeblikkeleg hjelp døgnplassar for sine innbyggjarar.

Økonomi:

Det er høg kostnad på desse sengene. Nettobudsjett for 2022 er på 14,3 millionar, og av dette er Alver sin utgiftsdel 8,7 millionar. Dersom Alver kommune har ein innbyggjar innlagt kvart døgn gjennom året (365 døgn), gir det ein døgnpris på kr 23 835,-. Sjølv om Alver skulle nytte 2 senger kontinuerleg, vil døgnprisen vere svært høg (over 11 000 pr døgn). Den reelle kostnaden er noko lågare, sidan ein del av utgifter til lege ved Nordhordland legevakt hittil har blitt ført som utgift knytt til ØHD-sengene. Dette sjølv om ØHD-sengene ikkje har hatt ein eigen legeressurs. Ved å avvike ØHD-tilbodet i si noverande form ved NHLV vil heile legeressursen knytt til legevakta måtte utgiftsførast på legevakta, sidan ein er avhengig av to legar på vakt til ei kvar tid for å fylle legevakta sine oppgåver.

Dersom ein organiserer øyeblikkeleg hjelp døgntilbodet som ein del av dei samanhengande tenestene i eigen kommune, vil det kunne gje noko auka kostnad for legevakta, på grunn av utgiftsføring av ein del av legeressursen. ØHD-senger som ikkje er knytt til eit interkommunalt samarbeid, vil gje den einskilde kommunen større råderett over bruken av sengene, styrt av behov i eigen befolkning, og vil kunne gje ei tettare samhandling med andre delar av helse- og omsorgstenestene i kommunen. Det er grunn til å tru at ei omlegging av organiseringa av ØHD-senger kan bidra til betre ressursutnytting i sektoren. Dette er tilhøve som vil bli vurdert grundig og lagt fram i eige sak i løpet av i 2022.

Oppsummering

På grunn av endringar i lovgrunnlag og finansiering, oppseiing frå ein samarbeidskommune, og samanslåing av tre kommunar, er føresetnadene for vertskommunesamarbeidet om øyeblikkeleg hjelp døgntilbod vesentleg endra. Alver kommune finn det derfor føremålstenleg å seie opp avtalen frå 2013 med Austrheim, Gulen, Masfjorden, Modalen, og Osterøy om øyeblikkeleg hjelp døgntilbod. I løpet av 2022 vil rådmannen komme tilbake med sak omløysing av den lovpålagde oppgåva om å tilby døgnopphald for helse- og omsorgstenester til pasientar og brukarar med behov for øyeblikkeleg hjelp, og legge til grunn vurderingar av fagleg og økonomisk forsvarlegheit.

Vedlegg i saken:

25.11.2021	Rapport Konseptfase ØHD	1649801
25.11.2021	Forprosjekt Evaluering av Nordhordland ØHD med vedlegg	1649696
25.11.2021	Avtale om administrativt vertskommunesamarbeid om Nordhordland legevakt og øyeblikkelig hjelp (L)(70808)	1649697
25.11.2021	Vedlegg 2 konseptfase	1649694

Arkiv: <arkivID><jplID> FE-026
JournalpostID:
Sakshandsamar:
Dato: 25.11.2021

Saksframlegg

Saksnr.	Utval	Møtedato
040/21	Utval for helse og omsorg	30.11.2021
110/21	Alver formannskap	02.12.2021
	Alver kommunestyre	

Vertskommunesamarbeid om Nordhordland legevakt

Rådmannen sitt framlegg til vedtak:

Avtale om administrativt vertskommunesamarbeid om Nordhordland legevakt vert sagt opp med mål om å inngå ny avtale i 2022.

Politisk handsaming

Saka skal til innstilling i utval for helse og omsorg og formannskap
Saka skal til avgjerd i kommunestyret

Bakgrunn

Det vart inngått avtale om administrativt vertskommunesamarbeid i 2013 mellom Lindås kommune og kommunane Austrheim, Fedje, Lindås, Masfjorden, Meland, Modalen, Radøy, Gulen og Osterøy om Nordhordland legevakt og øyeblikkeleg hjelp døgtilbod - vedtak 14.02.2013 KO sak 11/13.

Det er 1 år oppseiingstid på avtalen gjeldande frå kvart årsskifte.

Alver kommune har overtatt Lindås kommune sitt vertskommuneansvar etter kommunesamanslåing mellom Lindås, Radøy og Meland frå 2020.

Før årsskiftet i 2020 sa Fedje kommune opp avtalen og går no ut av samarbeidet om legevakt og øyeblikkeleg hjelp døgnsenger frå 1.januar 2022. Dei vil frå 2022 berre vera tilknytta legevaktsentralen (116 117).

Saksopplysningar:

Hausten 2020 vart det starta opp eit prosjekt der formålet med prosjektet var å sikre ei organisering med medisinsk forsvarlege tenester innanfor kommunane sine økonomiske rammer. Prosjektgruppa var samansett av fungerande legevaktsjef, fagsjukepleiar legevakt, kommunalsjef frå samarbeidskommunane og hovudtillitsvald. Prosjektet vart leia av tenesteleiar for lege-og rehabiliteringstenester. Referansegruppe var fagråd for kommuneoverlegar, tilsette ved Nordhordland legevakt, administrativ nemnd for NHLV, rådmennene og kommunalsjefar i samarbeidskommunane. Prosjektet sin konseptfase er no avslutta og det vert gjennomført ei risiko- og sårbarhetsanalyse (tenesteros) ved legevakta. I samband med dette vert det gjort vurdering av fagleg forsvarlegheit av tenestene.

Endringar som kommunesamanslåing, oppseiing frå ein av samarbeidskommunane, behov for å vurdere økonomisk fordeling og medisinsk forsvarlegheit vert det vurdert som formålstenleg å seie opp avtalen frå 2013. I løpet av 2022 kjem rådmannen tilbake med ny sak om legevaktsamarbeid.

Vedlegg i saken:

25.11.2021 Avtale om administrativt vertskommunesamarbeid om 1649736
Nordhordland legevakt og øyeblikkelig hjelp (L)(70808)

Arkiv: <arkivID><jpID> FE-251
JournalpostID:
Sakshandsamar:
Dato: 25.11.2021

Saksframlegg

Saksnr.	Utval	Møtedato
111/21	Alver formannskap	02.12.2021
	Alver kommunestyre	

Søknad om godkjenning til å søke startlånsmidlar i husbanken for 2022

Rådmannen sitt framlegg til vedtak:

1) Budsjettendring:

Investeringsbudsjettet for 2022 på prosjekt 40002 Startlån til videreutlån vert auka med kr 30 mill frå kr 110 mill til kr 140 mill.

Auken vert finansiert med tilsvarande auke med kr 30 mill frå kr 110 mill til kr 140 mill i låneopptak/bruk av lånemidlar.

2) Vedtak om opplåning

Kommunestyret vedtar å ta opp lån på kr 140 mill i Startlån til vidare utlån.
Rådmannen gjennomfører låneopptak ihht. fullmakt i Finansreglementet pkt. 8.1.

Politisk handsaming

Saka skal til innstilling i formannskapet.
Saka skal avgjerast i kommunestyret

Bakgrunn

Bustadkontoret har som eit hovudfokus å bidra til å løyse bustadsituasjonen for innbyggjarane i kommunen vår. Startlån er eit av verkemidla som vert nytta slik at innbyggjarar, og då spesielt barnefamilier som har behov for ein trygg, godt og stabil busituasjon kan få hjelp til å komme inn på bustadmarknaden og kjøpe eigen bustad.

Startlån, som er lån i Husbanken, vert videreformidla av kommunen og låntakar betaler renter og avdrag til kommunen som administrerer låna i Husbanken.
I godkjent økonomiplan er det budsjettert med 110 millionar kr i statlånsmidlar for 2021.

Pr november 2021 er det komme inn 178 søknader om startlån til bustadkontoret. 51 av desse er ikkje ferdigbehandla.

Hittil i 2021 har Alver kommune innvilga startlånssøknader for 105 millionar kroner. I denne summen ligg det også 15 millionar i overførte midlar frå 2020. Av dei innvilga startlånssøknadene er det utbetalt 62,5 millionar hittil i år. Det er forventa at ein vil betale ut om lag 80 mill i løpet av 2021 og at nokre utbetalingar vil skje i 2022.

Vurdering:

Grunna den usikre økonomiske situasjonen mange opplever i samband med Covid-19 og konsekvensane av pandemien har kommunen fått fleire søknadar på startlån enn vanleg. Mange har stått utan arbeid eller er langtidspermitterte. Det er særskilt viktig for kommunen å kunne hjelpe barnefamiliar til å behalde bustaden slik at ein unngår ustabile busituasjonar for denne gruppa. Dei høge straumprisane vi har sett i haust bidreg også til utfordringar for dei økonomisk vanskelegstilte. Regjeringa seier at behovet for startlån aukar og vil gje kommunane mogelegheit til å hjelpe endå fleire familiar med låginntekt inn i bustadmarknaden. Regjeringa har på bakgrunn av dette tilført Husbanken 2 mrd meir i utlånsramme for 2022.

Bustadkontoret har mottatt fleire søknader om startlån som ligg til handsaming, og det er forventa at det kjem inn fleire søknader i år enn i fjor. For å kunne innfri forventa søknadsmengde som oppfyller kriteriene til startlån i 2022 meiner rådmann det er grunnlag for å auke låneopptaket i Husbanken med 30 millionar i høve til det som er vedteke gjennom økonomiplanen for 2021-2024.

Startlånsmidler som ikkje vert nytta i 2022 vert overført til 2023

Arkiv: <arkivID><jplD>
JournalpostID:
Sakshandsamar:
Dato: 25.11.2021

Saksframlegg

Saksnr.	Utval	Møtedato
112/21	Alver formannskap	02.12.2021
	Alver kommunestyre	

Avtale mellom Alver kommune og Equinor Refining DA

Rådmannen sitt framlegg til vedtak:

«Kommunestyret godkjenner tilleggsavtale 2 mellom Alver kommune og Equinor Refining DA slik den ligg føre»

Politisk handsaming

Saka skal til innstilling i Formannskapet

Saka skal avgjerast i Kommunestyret

Bakgrunn

I samband med investeringsprosjektet utbygging av vassforsyning til Mongstad skal det inngåast avtale mellom Alver kommune og Equinor Refining DA om utbygging av dei konsesjonsgjevne vasskjeldene Eidsvatn, Austevatn, Tjukketlevatn og Langavatn, for overføring til hovedkjelda for vassforsyninga til Mongstad, Sjursetvatn. Avtalen har overskrifta *Tilleggsavtale 2-til avtale nr 4600003214 mellom Statoil ASA og Lindås kommune, dagsett 20.sept.2000, knytt til industrivassforsyninga til Mongstad.*

Etter at endeleg konsesjon vart gjeve Lindås kommune 08.mars-2016, har det vore ei rekke møter og drøftingar mellom kommunen og Equinor om fordeling av vassmengder og kostnader. Drøftingane enda i ein intensjonsavtale, dagsett 14.10.2021. Den 28. oktober 2021 vart Alver kommunestyre orientert om historikken og innhaldet i intensjonsavtalen.

Intensjonsavtalen dannar grunnlaget for avtalen som no ligg føre og som skal regulere ansvar og plikter mellom kommunen og Equinor i gjennomføringa av prosjektet.

Saksopplysninger:

I åra 2018 og 2019 bygde Lindås kommune ny pumpestasjon ved Sjursetvatn og ny overføringsleidning frå den til Litlås. Litlås er tilknytt eksisterande høgdebasseng for industrivatn. Utbygginga var basert på ein avtale mellom Lindås kommune og Statoil ASA, dagsett 20.juni 2015 (Tilleggsavtale 1, til avtale nr 4600003214). Avtalen gjev kommunen rett til uttak av ei viss mengde vatn frå industrivass-anlegget på Litlås til det nye renseanlegget for drikkevatn, som i same tidsrom (2018-2019) vart bygt på Litlås. Retten til vassuttaket til renseanlegget har avgrensingar som ikkje stettar kravet til renseanlegget som reservevassforsyning for drikkevatn. Dette reservevassanlegget skal forsyne Mongstad, nordre del av Lindåsbygda, Austrheim kommune og no i Alver også nordre del av tidlegare Radøy kommune.

Det er difor naudsynt for Alver kommune å setje i gang del av utbygginga frå Eidsvatn og Austevatn, nevnt som fase 1 og 2 i avtalen, for å sikra seg nok vatn til renseanlegget på Litlås. Slik kan ein sikre den kapasiteten som reservevassforsyninga må ha.

Avtalen går ut på at kommunen kjøper 200 m3/t av totalkapasiteten berekna til 500 m3/t frå utbygging av fase 1 og 2, Eidsvatn-Austevatn. Dei resterande 300 m3/t sikrar Equinor seg til bruk på Mongstad. Avtalen skildrar deling av kostnadene i høve kapasitetstala, dvs 40/60% av totale anleggskostnader.

Kostnadene som ligg føre i avtaledokumentet er estimerte summar inkl sum for uforutsette kostnader og usikkerheit. Tala er rettleiande i denne fasen. Prosjektet løysing vert lagt ut på anbod snarleg. Når prisane på arbeidet kjem inn vert delinga 40 % for Alver kommune og 60% for Equinor. Alver kommune står som byggherre for prosjektet. Equinor betalar kommunen etter fakturering i samsvar med avtalen.

Tilleggsavtale 2 er utforma i tråd med intensjonsavtalen, og er godkjent av Equinor slik den ligg føre som vedlegg til saka

Miljøkonsekvensar:

Anlegget og arbeida vert beskrive og utført i tråd med vilkåra i konsesjonen gitt av NVE. Konsesjonen skildrar tiltak ved naturinngrep, sikring av kulturminne og andre detaljerte pålegg. Natur-, kultur og landskapsverdiar er godt ivareteke gjennom vilkåra.

Vedlegg i saken:

25.11.2021 Tilleggsavtale nr 2 Eq-Ak

1650068

Arkiv: <arkivID><jplID> FA-L80
JournalpostID:
Sakshandsamar:
Dato: 25.11.2021

Saksframlegg

Saksnr.	Uthval	Møtedato
113/21	Alver formannskap	02.12.2021
	Alver kommunestyre	

Utbygging Knarvik - forskottering av utbygging infrastruktur

Rådmannen sitt framlegg til vedtak:

- Alver kommune set av 100 mill kr i økonomiplanperioden 2022 - 2025 til forskottering av infrastrukturutbyggingar innan områdeplan Knarvik sentrum. Det er tilsvarande budsjettert med 60 mill. kr i tilbakebetaling av dei forskotterte midlane i økonomiplanperioden og 20,2 mill kr i mva refusjon.
- Dei resterande 20,2 mill kr av forskotteringa blir tilbakebetalt gjennom framtidige utbyggingsprosjekt i Knarvik.
- Ein føresetnad for å nytte forskotteringsmidlane er at medfinansiering frå utbyggjarar er sikra gjennom politisk vedtekne utbyggingsavtalar.

Bakgrunn

Politisk handsaming

Saka skal til innstilling i formannskapet 2. desember

Saka skal avgjerast i kommunestyret 16. desember

Kva saka gjeld:

Denne saka gjeld finansiering av offentleg infrastruktur i gjennomføring av områdeplanen for Knarvik sentrum. Den enkelte utbyggjar innafor planområdet betaler for sin del av infrastrukturen, rekna ut etter ein felles kvadratmeterpris for aktuelt bruksareal (BRA). Kommunen er ansvarleg for den offentlege infrastrukturen. På grunn av ulik framdrift for utbyggjarane i Knarvik, er det behov for ei kommunal forskottering i økonomiplanperioden, for å kunne inngå utbyggingsavtalar og sikre ei heilskapleg og tilrettelagt utbygging av infrastruktur.

SAKSUTGREIING

Bakgrunn/historikk

Knarvikplanen vart godkjent som områdeplan for det sentrale Knarvikområdet i juni 2015. Planen er omfattande og har ein tidshorisont opp mot 40 år, men forutsett revidert og justert etter som samfunnsendringar krev dette. I same kommunestyremøte i juni 2015 vart også overordna prinsipp for gjennomføring vedteke. Eit sentralt prinsipp i gjennomføringsstrategien er at kommunen sjølv tar ei aktiv rolle for å utvikle Knarvik i tråd med områdeplanen.

Det blei gjennomført ei mindre revidering av områdeplanen i sak 026/21, Alver kommunestyre 25.03.2021.

Denne revisjonen medførte endring frå prosjektbasert pris (differensierte rekkefølgjekrav) på kvar utbygging til lik kvadratmeterpris for bruksarealet (BRA) for utbygginga, uansett plassering innan områdeplanen. I tillegg fekk kommunen styring med kor innbetalte midlar kunne nyttast til utbygging av dei offentlege anlegga.

Utbygginga innan planområdet er som hovudprinsipp basert på eit felles spleiselag mellom offentlege og private utbyggingsprosjekt, der utbyggjar betaler inn ein sum pr kvadratmeter BRA til dekning av felleskostnader for utbygging av offentleg infrastruktur, - utanom vatn og avløp (VA). Desse vert dekkja av VA-sektoren og får sine inntekter via tilknytingsgebyr og årsgebyr. Områdeplanen i Knarvik gir stor fridom til kor tid den einskilde grunneigar går i gang med utbygging. Slik utbygging krev i praksis at alt av infrastruktur ved og i nærområdet av byggeprosjektet må flyttast, endrast og oppdimensjonerast i ein utstrekning langt utover den aktuelle utbyggingssegdomen.

Det første store utbyggingsprosjektet i Knarvik omfatta Helsehuset, med omfattande offentleg infrastruktur i heile den austre delen av Knarvik. Som forutsett måtte kommunen bidra med betydelege forskotteringsmidlar, ettersom det berre var Helsehuset som var med på spleiselaget den gongen. Fordelen er at det er eit stort område i austre delen av Knarvik som er tilrettelagt for utbyggjarar, og desse aktørane må bidra med sine fastlagte innbetalningar i den samla potten for Knarvik-utbygginga. Kommunen vil ha få og ingen utgifter når dei private eigedomane langs tilrettelagte trasear vert bygd ut.

Utviklingsfond Knarvik

I sak 11/19, i kommunestyret i Lindås, blei det vedtatt å etablere eit utviklingsfond Knarvik. Føremålet med fondet er å samle inn alle innbetalningar frå utbyggingsprosjekt i Knarvik, som skal nyttast til å bygge ut felles infrastruktur og innfri rekkjefølgjekrav. Dei økonomiske bidraga frå utbyggingsprosjekta blir avklart gjennom politisk vedtekne utbyggingsavtalar. Etter revidering av områdeplanen (sak 26/21) er det større fleksibilitet til å nytte midlane på fondet til infrastrukturutbygging, i dei områda der det er behov for det. Gjennom sak 11/19 blei det gitt fullmakt til rådmannen til å nytte midlar på fondet til å planlegge og gjennomføre felles infrastrukturprosjekt, og rådmannen skal rapportere skriftleg i tråd med økonomireglementet.

Per desember 2021 står det 8,86 mill kr på utviklingsfondet, og dette er i hovudsak Helsehuset sitt økonomiske bidrag. Fondet har også fått tilført mindre beløp i samband med andre avtalar.

Status 2021

Utbyggingssituasjonen i Knarvik har endra seg, aktuelle private initiativ til utbygging er flytta frå aust og mot vest, der infrastrukturen ikkje er tilrettelagt for planlagt utbygging av eigedomane. Per desember 2021 er det tre eigedomar/firma som er i utbyggingsavtaleforhandlingar med kommunen:

- Nesttungruppen, område BKB2. (Transportkontoret)
- Coop, område BS13, (vestre del av Geco)
- Haugland, område BS7 og BS8 (Hauglandtomten)

For å legge til rette heilskapleg infrastruktur for desse utbyggingsområda, er det behov for å gjere tiltak på følgjande område i Knarvik:

Tiltak	Beskriving
Heving av Kvassnesvegen	Høgdejustering langs Isdalstø Auto, Geco og Coop
Bruvegen	Høgdejustering ned langs Coop-tomten
Kvassnesvegen vest	Ny veg tvers gjennom Haugland-tomten
Tilkomstveg sør for Hauglandtomten	Oppgradere kryss og start av veg retning Klubben
Allêen, del 1	Ny veg i grense mellom Coop og Haugen barnehage
Allêen, del 2	Ny veg i grense mellom Tr.sp.kontoret og Isdalstø Auto
Leikeløypa fase 1	Ny veg/off. område langs austside Geco, mot Tr.sp.kontoret.
Fortau langs Lonsgata	Langs heile Tr.sp.kontoret aust , - og tomt til køyreskule

Økonomi

Kostnadar for å leggje til rette for infrastruktur rundt desse områda, inkludert offentleg oppkjøp av naudsynt areal til veier og gater, vil utgjere om lag 80 mill kr. Det er forventa at desse tre private aktørane skal betale inn

om lag 60 mill til utbygginga. Dette betyr at det vil vere eit underskot på om lag 20 mill kr for å finansiere ei utbygging av infrastruktur. For å sikre ei tilrettelagt og heilskapleg utbygging, kan kommunen ta på seg eit ansvar med å forskottere desse midlane, som igjen blir tilbakebetalt via framtidige utbyggingsprosjekt.

I økonomiplanen 2022 – 2025 er det lagt inn ei forskotteringsramme på 100 mill kr (inkl mva) i investeringsbudsjettet. Dei private utbyggjarane betaler tilbake 60 mill kr og 20 mill kr i mva vert refundert. Dei resterande 20 mill kr blir lånefinansiert i påvente av at kommunen får det tilbakebetalt. I framlegget til økonomiplan er forskotteringsramma fordelt på følgjande måte per år i investeringsbudsjettet:

Prosjekt	2022	2023	2024	2025	Sum
Knarvik – forskottering utbygging	30.625	50.875	18.125	1.250	100.875

Viss det ikkje kjem inn andre innbetalningar i økonomiplanperioden, vil kommunen ha kapitalkostnader tilsvarande eit lån på 20 mill kr. Med 3% rente vil det utgjere kr 1,3 mill kr i årlege kapitalkostnader. Det er også lagt inn 6,020 mill kr til VA i investeringsbudsjettet, som vil bli tilbakebetalt via tilknytingsgebyr og årsgebyr.

Vurdering

Med bakgrunn i vedtatt gjennomføringsstrategi frå 2015, er det viktig at kommunen tar ei aktiv rolle for å leggje til rette for utbygging, utvikling og transformasjon av Knarvik, mellom anna med å nytte forskottering som verkemiddel i utbygging av naudsynt infrastruktur. Utbygginga i aust med Helsehuset har klargjort eit større område, frå den ovale rundkøyringa og forbi Transportkontoret, for vidare utbygging. Når utbygginga flyttar til andre delar av Knarvik, og når utviklingsfondet ikkje har tilstrekkeleg med innbetalt kapital, vil det vere behov for å bruke forskottering som verkemiddel for å dekke inn utbyggingskostnader for infrastrukturen, - som dei private utbyggjarane ikkje vert pålagt å dekke. Inkludert i dette reknestykket er det også kjøp av areal til offentlege veier og fortau.

Utviklingsfondet har ikkje tilstrekkeleg innbetalt kapital til å fullfinansiere ei utbygging på 80 mill kr. Viss kommunen ikkje går inn med ei forskottering, må dei tre aktuelle utbyggingsprosjekta leggje opp til midlertidige løysingar rundt eigne eigedomar, inntil innbetalningar frå andre private utbyggingsprosjekt kjem inn i fondet. Det er utbyggjar som må betale for sine midlertidige løysingar, og dette skal passe med eksisterande infrastruktur i området. Det kan også kome ekstra kostnader for kommunen med midlertidige løysingar. Utbyggjarar må seinare betale for det som er planlagt permanent, slik at midlertidige løysingar ofte blir fordyrande både for utbyggjarar og kommunen. I transformasjon av eit byområde kan ein ikkje unngå midlertidige løysingar, men det bør avgrensast ettersom dei midlertidige løysingane fort kan stå over lang tid og skapar utfordringar for aktørane i byen. Dei tre aktuelle utbyggingsprosjekta ligg sentralt plassert sør for E39 og det er planlagt fellestiltak som skal byggje opp under Knarvik som eit attraktivt regionsenter. Mellom anna er det planlagt ei leikeløype som vil skape trivsel for dei som bur og oppheld seg i området.

For å sikre ei heilskapleg utbygging i sentrale delar av Knarvik, anbefalar rådmannen at Alver kommune forskotterer midlar til utbygging av naudsynt infrastruktur slik det er lagt inn i økonomiplanen 2022 – 2025. For å nytte desse forskotteringsmidlane er det ein føresetnad at medfinansiering frå utbyggingsprosjekt er sikra gjennom politisk vedtekne utbyggingsavtalar.

Rådmannen vil også kome attende med ei politisk sak i 2022, der gjennomføringsstrategien for områdeplan Knarvik sentrum blir revidert.

Arkiv: <arkivID><jplD> FE-033, TI-&00
JournalpostID:
Sakshandsamar:
Dato: 25.11.2021

Saksframlegg

Saksnr.	Utval	Møtedato
114/21	Alver formannskap	02.12.2021

Mandat evaluering av politisk styringsstruktur og reglement

Rådmannen sitt framlegg til vedtak:

1. Formannskapet set ned ei gruppe på fem medlemmer for å utarbeide framlegg til evaluering av politisk styringsstruktur og reglement.
2. Til å utarbeide framlegg til oppdatert politiske styringsstruktur og reglement, veljast:

Leiar:

Nestleiar:

Medlem:

Medlem:

Medlem:

3. Framlegg til ny politisk styringsstruktur og reglement skal til høyring i råd og utval, samt relevante lag og organisasjonar.
4. Gruppas konklusjonar, etter høyringa, skal vere klar til handsaming i formannskapet 2.6.22

Politisk handsaming

Saka skal avgjerast i formannskapet

Link til gjeldande politiske reglement

<http://img1.custompublish.com/getfile.php/3543557.2391.qfebcfpww/Intensjonsavtale+Meland.+Radøy+og+Lindås+endeleg+08.06.16.pdf?return=www.nordhordland.net>

Link til intensjonsavtalen

<https://www.alver.kommune.no/innhald/politikk-og-hoyringar/styringsdokument/>

Bakgrunn:

I fellesnemnda vart det nedsatt ei prosjektgruppe på fem medlemmar som utarbeida framlegg til styringsstrukturen, gjeldande for Alver kommune frå 2019. I intensjonsavtale for «Nordhordland kommune» er det i kapittel 6 – Demokratimodellen, omtalt at det nye kommunestyret evaluerer politisk organisering. Gjeldande politiske styringsstruktur vart vedteken av fellesnemnda. I tråd med gjeldande reglement for formannskapet, er det formannskapet som skal kome med innstilling til kommunestyret innanfor «politiske leiings- og samordningsoppgåver».

Kva saka gjeld:

Alver kommune er no på vei mot ny kommunestyreperiode, og i god tid før valet bør den gjeldande politiske

organiseringa gjennomgås og vurderast opp mot dei erfaringane vi har. I prosjektmandatet frå 2018 var det henta inn formuleringar frå intensjonsavtalen. Det er mellom anna erfaringane knytt til dette som no bør evaluerast.

I siste avsnitt under kap. 2 «Visjon» står det følgjande:

Målet er å få på plass ein sterkare kommune som byggjer opp under innbyggjarane sin felles identitet, ivaretek lokaldemokratiet og gjer den nye kommunen og regionen betre i stand til å ta imot fleire oppgåver, jamfør vedtak i Stortinget. Den nye kommunen vil aktivt søkja om å kunne ta på seg nye oppgåver og mynde slik at det lokale demokratiet i størst mogeleg grad kan styra utviklinga i eigen kommune.

Under 3. Verdier, mål og prinsipp står det mellom anna følgjande:

- Me skal byggja vidare på felles identitet og kultur.
- Me skal involvere innbyggjarar, tilsette og næringsliv.

I kap. 4 «Kvifor ny kommune: fordelar og ulemper» er følgjande ulempe tatt med: «Nokre av ulempene vil kunne vera større geografisk avstand innan kommunen (både for innbyggjarar, tilsette og folkevalde), konsentrasjon av kommunale tenester, lengre beslutningslinjer, svekka lokalkunnskap hjå sakshandsamarar, samt lågare engasjement og politisk involvering frå innbyggjarane.» Det er viktig at dette prosjektet tek tak i dei relevante delane av dette.

I arbeidet med å evaluere politisk styringsstruktur, før kommunevalet i 2023, legg vi difor følgjande til grunn for det vidare arbeidet:

- Organiseringa skal innrettast slik at den bidreg til å styrke lokaldemokratiet og sikre at sentrale demokratiske verdier som openheit, offentlegheit og innsyn, medvirkning og deltaking, vert ivareteken.
- Organiseringa skal innrettast slik at den styrker den politiske styringa av kommunen og legg til rette for høg kvalitet på dei politiske prosessane og avgjerda som vert tekne.
- Organiseringa skal innrettast slik at dei folkevalde har gode arbeidstilhøve og moglegheit til meningsfullt politisk arbeid, basert på det mandat og den oppslutning dei har fått ved val

Tema som skal vere gjenstand for evaluering:

- Tal medlemmar i kommunestyret, formannskap og andre utval/råd
- Kva utval skal vi ha?
- Fordeling av oppgåver og fullmakter mellom kommunestyret, formannskap, utval og råd.
- Eventuelle økonomiske konsekvensar skal synleggjerast
- Eventuelle andre tema knytt til gjeldande styringsstruktur og reglement

Framlegg til organisering skal til høyring i råd og utval samt relevante lag og organisasjonar. Gruppas arbeid skal vere klart for handsaming i formannskapet 2. juni 2022 og kommunestyremøte 16. juni 2022. Dersom det vert naudsynt å revidere «Forskrift om folkevalde sin rett til godtgjering og utgiftsdekking» vert dette å kome attende til i eiga sak.

Vedlegg i saken:

25.11.2021 Mandat politisk styringsstruktur 2018

1649902

Arkiv: <arkivID><jplD> FA-M52, TI-&00
JournalpostID:
Sakshandsamar:
Dato: 23.11.2021

Saksframlegg

Saksnr.	Utval	Møtedato
115/21	Alver formannskap	02.12.2021
	Alver kommunestyre	

Forskrift om innsamling og handsaming av hushaldsavfall

RÅDMANNEN SITT FRAMLEGG TIL VEDTAK:

- Forslag til ny lokal forskrift om innsamling og handsaming av hushaldningsavfall vert vedteke.
- Forskrifta gjeld frå den dato då den siste av deltakarkommunane i NGIR har vedteke forskrifta. Frå same tidspunkt vert FOR-2000-10-05-1706: Forskrift om innsamling av forbruksavfall, oppheva.
- Forskrifta skal kunngjerast i Norsk Lovtidende når forskrifta er vedteken av alle deltakarkommunane i NGIR.
- Forskrifta skal gjerast tilgjengeleg på kommunen si nettside samtidig med kunngjering i Norsk Lovtidende.

Politisk handsaming

Saka skal til innstilling i Formannskapet.

Saka skal avgjerast i Kommunestyret.

Saka gjeld

Alver kommune har etter lov om forureining og avfall (forureiningslova) §§ 29 og 30 ansvar for å ha anlegg for mottak og innsamling av hushaldsavfall. Kommunen kan etter same paragraf gje forskrift som er naudsynt for å få til ein hensiktsmessig innsamling og oppbevaring av avfallet.

Nordhordland og Gulen Interkommunale Renovasjonsselskap IKS (NGIR) står føre oppsamling, innsamling, transport og handsaming av hushaldningsavfall i kommunane Alver, Austrheim, Fedje, Gulen, Masfjorden, Modalen og Solund. NGIR samlar inn og handsamar avfall frå omlag 14 000 hushald, og 6 400 hytter i medlemskommunane.

Med heimel i Forureiningslova § 30 vedtok deltakarkommunar i NGIR ei felles lokal forskrift for innsamling mv. av hushaldningsavfall (forbruksavfall) – FOR-2000-10-05-1706.

Det vert lagt fram ei ny lokal forskrift om innsamling og handsaming av hushaldsavfall frå bueiningar.

Næringsavfall er ikkje inkludert i ordninga. Ny forskrift vil erstatte gjeldande forskrift som er frå 2000. For Alver kommune sin del så var denne gjeldande til 31.12.2020.

Forskrifta vart lagt ut på høyring av formannskapet i møte 01.03.2021, med høyringsfrist på 6 veker.

Uttale

Utval for areal, plan og miljø og Utval for næringsutvikling og drift har hatt saka til uttale. Utval for næringsutvikling og drift har i møte 28.04.2021 uttalt at dei er positiv til forskrifta.

Alver kommune har ikkje mottatt andre merknadar i sjølve høyringsperioden, men har mottatt ein merknad frå Kjell Haakedal i e-post datert 01.03.2021. Dette var merknader som vedkommande hadde sendt til Solund kommune under høyring av forskrifta, men som er sendt til fleire kommunar. For merknad og vurdering av denne, sjå vedlegg.

Bakgrunn for forslag om ny forskrift

Gjeldande forskrift har ikkje vore endra sidan 2000, og NGIR har gjort seg erfaringar med at forskrifta ikkje løyser alle forhold på ein god nok måte.

Kommunane og NGIR ser behovet for å gjere forskrifta tydlegare med omsyn til om det er NGIR eller kommunane som skal stå for ulike oppgåver knytt til hushaldsrenovasjonen, samt andre høve som har vist seg å være uklare i eksisterande forskrift.

Framlegget til ny forskrift er basert på gjeldande forskrift, og regulerer forholdet mellom abonnent/kunde på den eine sida, og NGIR (kommunane) på den andre sida.

Føremålet med forskrifta er å sikre at oppsamling, innsamling, transport og handsaming av hushaldsavfall vert gjort på miljømessig, helsemessig og økonomisk forsvarleg vis.

Den nye forskrifta er meir systematisert og strukturert enn tidlegare, og gjev NGIR meir rom for å supplere forskrifta med detaljert informasjon i rettleiarar og retningslinjer. Forskrifta vert difor meir dynamisk, og ein får høve til å tilpasse renovasjonsordninga teknologiske løysingar for avfallshandtering og andre endringar som kan oppstå i framtida.

Framlegg til forskrift er felles for alle deltakarkommunane i Nordhordland og Gulen interkommunale renovasjonsselskap (NGIR), og fleire frå administrasjonen frå deltakarkommunane har delteke i arbeidet med utforminga av den nye forskrifta.

Det er laga ein rettleiar til forskrifta, samt retningslinjer for privat tilkomstveg. Desse vert lagt ut saman med forskrifta for å vise samanhangen, men skal ikkje vedtakast som ein del av sjølve forskrifta.

Vurdering

1. Nærare om forslaget til ny forskrift

Kapittel 1 – Innleiande bestemmingar

Forslaget sitt kapittel 1 vidarefører i prinsippet dei bestemmingar som følgjer av gjeldande forskrift kapittel 1 og 2 (høvesvis «Heimel og geografisk verkeområde» og «Generelle avgjerder»).

Føremålet med forskrifta er presisert og utvida, for betre å visa dei overordna rammene for forskrifta og forskrifta sitt verkeområde.

Det er føretatt ei tydeleg avgrensing mot næringsavfall, for å understreka at forskrifta berre omhandlar rettigheter og pliktar knytt til hushaldningsavfall. I gjeldande forskrift kjem dette i liten grad tydeleg fram, og til dels inneheldt gjeldande forskrift bestemmingar som gjer grensedraging vanskeleg.

I motsetnad til gjeldande forskrift er det inntatt ei bestemming som tydeleggjer at det er kommunane som er ansvarleg for innsamling og handsaming av hushaldningsavfall, men der det vert understreka at kommunane kan delegera myndigheit til NGIR. Det er gjort ei direkte tilvising til forureiningslova § 83, som er heimel for å delegera myndigheit til å treffa enkeltvedtak.

Definisjonane er presisert og gjort tydelegare, særleg med omsyn til forholdet mellom «Abonment», «Bueining», «Bustad» og «Fritidsbustad.» Uttrykket «Abonnementeining» er ikkje vidareført i ny forskrift, då dette har skapt uklårheit. Omgrepa som nyttast i definisjonane er no òg i større grad knytt opp mot omgrepsbruken i Avfallsforskrifta og Forureiningslova.

Kapittel 2 – Kommunen sitt ansvar og kommunen sine plikter

Forslaget sitt kapittel 2 vidarefører det som kjem fram i gjeldande forskrift §§ 3 og 4, samt enkelte utsegn spedt i andre bestemmingar i gjeldande forskrift.

Kommunane sitt ansvar, pliktar og rettigheter er i gjeldande forskrift ikkje systematisert og fram står fragmentarisk. Dette kan gjera det utfordrande å orientere seg i kva som faktisk er tilfelle.

I forslaget er dette søkt samla i to bestemmingar, men der bestemmingane ikkje gjev alle detaljar.

Forslagets § 5 vidarefører det grunnleggjande prinsippet om tvungen renovasjon, jf. forureiningslovas § 30 og Ot.prp.nr. 11 (1979-1980) s. 137.

Forslagets § 5 inneberer vidare at det slåast fast at NGIR får einerett innanfor deltakarkommunane til å stå føre innsamling og handsaming av hushaldningsavfall. Forholda til eineretten handsamast særskilt i utgreiing i eige punkt under.

I forslaget § 6 er det gjort tydeleg at det er NGIR som har ansvaret for og plikta til å stå føre innsamling og handsaming av hushaldningsavfall, på vegne av deltakarkommunane. Bestemmingane gjev dei overordna rammene for disse pliktene, og gjev ein mindre grad av beskrivande detaljar i forhold til gjeldande forskrift.

Til forskjell frå gjeldande forskrift, inneheldt forslaget § 6 heimel for NGIR til å gje rettleiing og retningslinjer som nærare utdjuvar relevante forhold. I gjeldande forskrift har kommunane ein generell heimel for å gi retningslinjer «for gjennomføring av vilkåra i forskrifta.», jf. § 1.

All den tid deltakarkommunane i NGIR har eit prinsipp om at det skal vera like vilkår for abonnentane i dei enkelte kommunane, er det utfordrande å etablere slike retningslinjer som det er full einigheit om. Dette gjer òg ein uforholdsmessig ressursbruk innetter i kommunane. I praksis har kommunane òg langt på veg overlata til NGIR å gje nærare føringar for ulike forhold, men utan at dei formelle forholda nødvendigvis har vore vurdert.

Forslaget inneberer difor at NGIR får ein klar heimel til å gje retningslinjer og rettleiarar til forskrifta, og i praksis

andre forhold knytt til renovasjonsordninga. Forslaget legg difor òg opp til at det vert gjeve ein rettleiar for forskrifta sine bestemmingar, som gjev utfyllande og meir detaljert informasjon om kva bestemmingane inneberer. I tillegg har NGIR utarbeida presise retningslinjer med omsyn til standard og tekniske krav knytt til private vegar og hentestader. At NGIR får klar heimel til slike retningslinjer, vil gjera det enklare å foreta naudsynte endringar/justeringar som følge av andre offentleg rettslege krav – t.d. plan- og bygningsregelverket, og endringar i faktiske omstende.

NGIR har i ovannemnte samanheng vurdert det slik at demokratisk kontroll med rettleiarar og retningslinjer som NGIR gjev i kraft av forskrifta, vil ivaretakast ved at kommunen kan utøva direkte innflytelse gjennom representantskapet i NGIR.

Kapittel 3 – Abonnenten og kunden sine plikter

Forslagets kapittel 3 er en vidareføring av det som kjem fram i gjeldande forskrift §§ 5, 6 og 8, samt til dels § 7.

Forslaget fokuserer likevel i større grad enn gjeldande forskrift på å fastslå dei overordna pliktene, der nærare detaljar med omsyn til kva dette inneberer kjem fram i rettleiaren. Dette inneberer at forslaget blir meir kortfatta og oversikteleg. Det tydeleggjer òg at det som kjem fram i forskrifta ikkje er uttømmande.

I forslaget § 8 er det samtidig inntatt noko meir konkrete forhold, slik at dei heilt grunnleggjande pliktane knytt til oppsamlingseiningar er enkelt tilgjengeleg. Dette vert føreslått slik at brukaren kan enkelt kunna orientera seg i kva som er eit minimum som må utførast, for at innsamling av avfallet skal kunna finna stad.

2.3.4 Kapittel 4 – Tekniske bestemmingar

Forslagets kapittel 4 innebere en vidareføring og utviding av gjeldande forskrifts §§ 7, 9, 10 og 11.

Forslaget inneberer ei utviding og ei klargjering med omsyn til alternative oppsamlingsordningar. I dag omfattar dette hovudsakeleg nedgravne løysingar og er difor særskilt nemnt. Forslaget er likevel utforma slik at det vil omfatta òg andre typar løysingar, dersom det aktualiserer seg på eit framtidig tidspunkt.

I forslaget er det presisert at alternative oppsamlingsløysningar både kan tillatast og påleggjast, samt vurderingstemaet dersom pålegg er aktuelt. NGIR får òg heimel i forslaget § 9 til å gje nærare retningslinjer for alternative løysningar. Slike retningslinjer vil hovudsakeleg retta seg mot tekniske krav til løysningane.

Forslaget gjev dei grunnleggjande krava til veg og hentestad. Dei nærare detaljerte krava til utforming og tekniske forhold vert gjeve i eigne retningslinjer.

I forslaget er reglane knytt til avfallsmottak forenkla og gjort meir forståeleg. Det er òg redusert talet på omgrep og sonderingar mellom ulike typar avfall som må leverast til godkjend mottak, men dette er nærare detaljert både i rettleiar og sorteringsguiden.

Til forskjell frå gjeldande forskrift er det foreslått ein eigen bestemming som innebere at NGIR skal uttala seg i samband med planforslag etter plan- og bygningslova og som gjev NGIR anledning til å gje nærare retningslinjer om kva ein forslagsstillar må gjera greie før med omsyn til renovasjonsløysningar. NGIR har stor kompetanse knytt til dei behov som gjer seg gjeldande med omsyn til renovasjonen, og det er formålstensleg at NGIR gjev uttale i slike tilfelle.

Kapittel 5 – Gebyr og betaling

Forslaget sitt kapittel 5 vidarefører prinsippa i gjeldande forskrift kapittel 4, men det er foreslått presisering av forhold som gjennomgåande har stor praktisk betydning med omsyn til når gebyrplikta trer inn for abonnenten.

Det er òg tatt inn som hovudregel at NGIR skal stå føre innkrevjing på vegne av kommunane. Dette følgjer ikkje av gjeldande forskrift, men med unnatak av Fedje kommune, har alle kommunar overlata til NGIR å syta før innkrevjing. NGIR føreslår difor at dette slåast fast i forskrifta som hovudregel, og at den enkelte kommune må treffa vedtak om det motsette, dersom kommunen sjølv skal stå for innkrevjinga.

I motsetnad til gjeldande forskrift, gjev forslaget ikkje uttrykk for betaling for avfallshandtering frå verksemdar. Dette for å skapa større klarheit og ei tydeleg avgrensing mot det som ikkje vert omfatta av den ordinære renovasjonsordninga for hushaldningsavfall.

P.t. vil gebyret som betalast av abonnentane dekkja kostnader ved drift av avfallsmottaka. Abonnentar betaler soleies ikkje særskilt for levering av hushaldningsavfall ved avfallsmottaka i deltakarkommunane. Forslaget gjev likevel heimel for kommunane til å fastsetja særskilt gebyr/betaling ved levering til avfallsmottak, dersom kommunane skulle finna dette naudsynt på eit framtidig tidspunkt.

Kapittel 6 – Administrative bestemmingar

Forslaget sitt kapittel om administrative forhold omfattar dispensasjon frå forskrifta, kontroll, pålegg og sanksjonar, samt klage og ikraftsetjing av forskrifta.

Kapittel 6 vidarefører i det vesentlege det som kjem fram i gjeldande forskrift kapittel 5.

I gjeldande forskrift er dispensasjon regulert både i § 3 («Tvungen renovasjon») og i § 16 («Dispensasjon»). I seg sjølv er det uheldig og skapar uklarheit at dispensasjon er regulert to plassar – særleg når det rettsleg sett gjeld same forhold.

I forslaget er det berre ei bestemming som omhandlar dispensasjon. I likskap med det som er praksis p.t., er det NGIR som handsama dispensasjonssøknader og treff enkeltvedtak.

Forslagets bestemming om dispensasjon, forutset at kommunen delegerer myndigheit til å treffa vedtak. Dette vert ikkje foreslått gjort gjennom forskrifta, slik at kommunane treffer særskilt vedtak om delegasjon. Dette vert eventuelt fremja som eiga sak seinare.

Forslagets dispensasjonsbestemmingar gjev NGIR heimel til å gje retningslinjer med omsyn til vilkår for dispensasjon. P.t. føreligg nokre korte retningslinjer for dispensasjon frå gebyrplikta og/eller renovasjonsordninga. Det er trong for å presisera gjeldande retningslinjer og utvida desse til å omfatta fleire typetilfelle, slik at det blir enklare for brukarane å forstå kva som i utgangspunktet gjev grunnlag for dispensasjon. Dette vil òg kunna bidra til meir hensiktsmessig ressursutnytting ved at det blir færre søknadar som vert grunngeve i forhold som ikkje kan, eller skal, gje grunnlag for dispensasjon.

Bestemmingane om kontroll og pålegg er avgrensa til NGIR si anledning til å førestå kontroll og pålegg. Kommunane sjølv har lovfesta rett i forureiningslova til å foreta kontroll, og ilegga pålegg og sanksjonar.

For å sikra mest mogleg klarheit i forskrifta, er kommunane sitt sjølvstendige mynde i denne samanheng ikkje tatt med i forskrifta. På den måten vert det meir tydeleg kva NGIR kan gjera i forhold til brukarane. Det er likevel gjeve heimel for ilegging av bøter etter forureiningslova § 79, som kommunane kan bruka. Dette som følgje av at forureiningslova § 79 slår fast at dette må fastsetjast i forskrift.

NGIR sitt kontrollmynde er avgrensa til tre forhold:

- Sikra at grunnlaget for dispensasjonar er riktig
- Sikra korrekt betaling av gebyr
- Sikra korrekt bruk av oppsamlingseiningar

Dette innebære at forhold som gjeld generell forsøpling, hensetting av avfall på private eigedomar mv, ikkje vert omfatta av NGIR sine pliktar og rettigheitar. Dette er forhold som kommunane sjølv vil måtte følgja opp på hensiktsmessig måte.

NGIR har under arbeidet med forskrifta vurdert hensiktsmessigheita i at NGIR sitt mynde til kontroll, pålegg og sanksjonar bør føreslåast utvida. Dette er likevel forhold som kommunane har eit system for å handtere per i dag, og dei relevante fagetatar i kommunane har ønska å vidareføra eksisterande situasjon for dette. Vidare vil overføring av større ansvar for NGIR i utgangspunktet kunna medføre høgare kostnader, noko som gjer at det ikkje vert føreslått å utvida NGIR sitt mynde i denne samanhengen.

I praksis innebære forslaget sine bestemmelser ein vidareføring av det som er praksis for NGIR i dag. Forslaget sikrar likevel at det er klar heimel for NGIR sin kontrollfunksjon og gjev ein meir tydeleg ansvarsfordeling mellom kommunane og NGIR.

Forskrifta bør så langt det er mogleg tre i kraft samtidig i deltakarkommunane. Dette kan enten gjerast ved at kommunane vert einige om ein dato der forskrifta trer i kraft, eller at forskrifta trer i kraft på den dato når den siste av deltakarkommunane har vedteke forskrifta. Då kommunane vedtek forskrifta på ulike tidspunkt, har ein no valt å gjere det siste av dei to alternativa.

2. Endring etter høyring

Etter høyring har det vorte gjort nokre mindre korrigeringar i utkast til ny forskrift. Korrigeringane er redaksjonelle og forutset ikkje at det gjennomførast ny høyring. Følgjande korrigeringar vart gjort:

- Høyringsutkastet la opp til at den nye forskrifta skulle tre i kraft frå 01.01.2021. Då ingen av kommunane i NGIR vedtok forskrifta i 2020, måtte dette endrast. Dato for når forskrifta trer i kraft vil nå bli satt inn når alle kommunane har endeleg vedteke forskrifta.
- Høyringsutkastet la opp til at den nye forskrifta blei vedteke i 2020. Sidan dette ikkje har skjedd, har årstal for vedtaking vorte endra til 2021.
- I forskrifta sin § 4 var definisjonen av «Hytte» angitt som: «Sjå Fritidseigedom.» Forskrifta nyttar ikkje «Fritidseigedom» og av definisjonane har ein nytta «Fritidsbustad.» Definisjonen av «Hytte» har derfor vorte korrigert i samsvar med dette.

3. Tildeling av einerett for innsamling og handsaming av hushaldsavfall

Det er den enkelte kommune som i samsvar med forureiningslova har ansvaret for å syta for ei forsvarleg innsamling og handsaming av hushaldningsavfallet i kommunen, jf. forureiningslova § 30.

Det følgjer av forureiningslovas § 30, 3. ledd, 2. punktum, at ingen kan førestå innsamling av hushaldningsavfall utan kommunens sitt samtykke. I dette ligg at kommunen har monopol/einerett på innsamling og handsaming av hushaldningsavfall.

I praksis har deltakarkommunane i NGIR berre samtykka til at NGIR kan førestå innsamling og handsaming av hushaldningsavfall i den enkelte kommune. Ingen av deltakarkommunane nyttar egne, eller andre eksterne selskap, til å utføre kommunen sine oppgåver og ansvar med omsyn til hushaldningsrenovasjon.

I realiteten har NGIR fått ein einerett frå deltakarkommunane til å utføre dei kommunale renovasjonsoppgåvene, men deltakarkommunane har ikkje treft formelt vedtak som tildeler NGIR slik einerett. Den faktiske situasjonen er difor formelt ikkje brakt i samsvar med krav som gjeld p.t.

NGIR føreslår difor at det i ny forskrift vert gjeve einerett til NGIR til å førestå hushaldningsrenovasjonen i kommunane.

Eineretten vert tildelt i den nye forskrifta, og det er ikkje naudsynt med egne vedtak om einerett for NGIR. Når kommunen vedtek ny forskrift, vil NGIR gjennom dette ha einerett i fortsettjunga.

Gjeldande rett

Forureiningslova § 30 slår fast at kommunane har monopol med omsyn til å syta før innsamling og handsaming av hushaldningsavfall. Same bestemming gjev kommunane rett til å vedta forskrift for å få til ein hensiktsmessig og hygienisk renovasjonsordning.

Kommunelova § 5-4 gjev kommunen rett til å delegera mynde til andre rettssubjekt knytt til lovpålagte oppgåver, forutsett at lovgjevinga opnar for dette.

Kommunane har i forureiningslova § 83 heimel til å delegera mynde, jf. kommunelova § 5-4.

Anskaffingslova og anskaffingsforskrifta gjeld ikkje dersom einerett er tildelt. Dette forutset likevel at eineretten følgjer av lov, forskrift eller kunngjort forvaltningsvedtak som er i samsvar med EØS-retten, jf. anskaffingsforskrifta § 2-3.

Nærare vurdering

Den enkelte kommune har etter forureiningslova § 30 einerett, men òg plikt, til å syta for ei forsvarleg innsamling og handtering av hushaldningsavfall. Eineretten innebere at ingen andre rettssubjekt har rett til å utføra eller tilby den same tenesta.

Gjennom kommunelova § 5-4 og forureiningslova § 83, har kommunane moglegheit til å delegere eineretten til et anna rettssubjekt som NGIR.

Vedtak om tildeling av einerett til innsamling og handsaming gjev NGIR sjølvstende med omsyn til organisering og utføring av oppgåver med omsyn til hushaldningsrenovasjonen, innanfor dei rammene som følgjer forureiningsregelverket – inkludert den lokale forskrifta.

NGIR har gjennom mange år førestått innsamling og handsaming av hushaldningsavfallet i kommunane, og står nærast til å vurdere kva som er hensiktsmessig gjennomføring for å oppfylle pliktane etter forureiningslova. NGIR tar også omsyn til alle kommunane som er deltakarar, og sikrar at det vert tatt omsyn til kommunane samla – ikkje berre internt i den enkelte kommune.

NGIR står difor òg nærast til å ta avgjersler med omsyn til om andre aktørar skal gjevast moglegheit til å utføra heile, eller deler av dei oppgåver kommunane er pålagt gjennom forureiningslova.

Ei tildeling av einerett til NGIR vil òg gje NGIR fleksibilitet med omsyn til si organisering, ved at det t.d. leggst særskilte oppgåver til selskap som er 100 % eigd av NGIR.

Eit vedtak om einerett vil for NGIR berre innebera at den faktiske situasjonen vert formalisert, og vert brakt i samsvar med krava i anskaffingsforskrifta. Oppgåvene som NGIR utfører vil i prinsippet vera ein tenestekontrakt, og anskaffingsforskrifta forutset då at det ligg føre formelt vedtak om tildeling av einerett til å utføra dette. Som nemnd over, vil eineretten formelt tildelast NGIR når kommunen vedtek forskrifta.

Vedlegg i saken:

03.03.2021	Kommentarer - høringsrunde - ny renovasjonsforskrift	1520314
03.03.2021	Følgerebrev ny forskrift	1520315
03.03.2021	Høring ny forskrift	1520316
25.11.2021	Gjeldende forskrift	1648679
25.11.2021	Oppdatert forskrift	1648680
23.11.2021	Retningslinjer privat atkomst	1648681
25.11.2021	Veileder til forskrift	1648682
25.11.2021	Merknad med kommentarar	1648688

Arkiv: <arkivID><jpID> FE-231
JournalpostID:
Sakshandsamar:
Dato: 17.11.2021

Saksframlegg

Saksnr.	Utval	Møtedato
116/21	Alver formannskap	02.12.2021
	Alver kommunestyre	

Gebyr- og betalingssatsar 2022

Rådmannen sitt framlegg til vedtak:

«Alver kommunestyre godkjenner gebyr- og betalingssatsar for 2022, slik dei går fram av framlegg datert 23.11.2021»

Politisk handsaming

Saka skal til innstilling i formannskapet
Saka skal avgjerast i kommunestyret

Bakgrunn

Bakgrunn og heimlar for gebyr- og betalingssatsar går fram av prinsippasaka som formannskapet behandla i møte 11.11.2021, sak 103/21. Notatet er vedlagt.

Saksopplysningar:

Sjølvkostområda

Gebyr- og betalingssatsar for plansaker, byggesaker, oppmåling, seksjonering, utslepp, vatn og avløp, slamtømming, renovasjon, feiing, skulefritidsordning, vaksenopplæring, heimebaserte tenester, bruk av aktivitetssenter og velferdsteknologi kan fastsetjast til sjølvkost. Det vil seie at abonnentane og brukarane betaler for det tenestene koster. Lågare satsar enn kva rådmannen foreslår krev politisk vedtak på kommunal medfinansiering, evt auke i andre satsar på same område, i same volum.

Nokre tenester treng større inndekning frå gebyr i 2022 (alternativt lågare) enn kva som vart fastsett for 2021, for å oppnå sjølvkost.

Plansaker, byggesaker, oppmåling (matrikkel) og utslepp: Sjå eige vedlegg for dokumentasjon (sjølvkostmodellen Momentum).

- Auke for enkelte gebyrtypar for plansaker for å oppnå sjølvkost. Det er lagt inn tilleggsgebyr for godkjenning av planprogram, gebyr der planforslag blir trekt tilbake før offentlig ettersyn og avslag på planforslag, basert på reell tidsbruk.
- Førehandskonferanse byggesak: auke basert på reell tidsbruk
- Førehandskonferanse besvart per brev: nytt gebyr, basert på reell tidsbruk
- Oppmåling uteareal til eigarseksjon: reduserte satsar, basert på reell tidsbruk
- Frådeling og arealoverføring til landbrukseigedomar i drift er lagt til som nye punkt for å få eit gebyr

som er betre tilpassa denne tenesta

- Mangelbrev utslepp: nytt gebyr, basert på reell tidsbruk
- Endra utslepp ved endring/oppgradering av godkjente anlegg: auka gebyr (=lågare reduksjon), basert på reell tidsbruk
- Tilsyn av separate avløpsanlegg: nytt årsgebyr kr 160, skal dekke kommunen sine kostnader med tilsyn. I 2021 var det gebyr for kvart gjennomført tilsyn (kr 5.100 for anlegg under 50 pe og kr 8.500 for anlegg over 50 pe).

Vatn og avløp: Sjå eige vedlegg for dokumentasjon (sjølvkostmodellen Momentum)

- Auken følgjer av at tenestene blir finansiert etter sjølvkostprinsippet. Tilknytingsgebyret er uendra, for å stimulere flest mogeleg til å kople seg på kommunale anlegg.

Slamtømming og renovasjon: Sjå eigne vedlegg frå NGIR for dokumentasjon.

- Auken følgjer av at tenestene blir finansiert etter sjølvkostprinsippet. Slamtømmegebyret har vore uendra sidan 2017, renovasjonsgebyret sidan 2018, og løns- og prisveksten har vore handtert ved nedbygging av fond. Satsane er regulert med sikte på vidare nedbygging av fond til 0 ved utgangen av 2025.

Feiing og branntilsyn: Sjå eige vedlegg for dokumentasjon (sjølvkostmodellen Momentum)

- Satsane er redusert for å byggje ned sjølvkostfondet.

Skulefritidsordning:

- Måltid: ingen auke fordi ramma er tilstrekkeleg
- Satsar SFO: redusert grunna auke i foreldrebetaling (fleire barn)

Pleie og omsorg - heimebaserte tenester og velferdsteknolog:

- Satsane er tilpassa heile kronesummar.
- Statleg regulerte satsar for hushald med inntekt under 2G.

Gebyr- og betalingssatsar utanfor sjølvkostområda

Satsane er i utgangspunktet justert for løns- og prisvekst med 2,5 % i høve til 2021, i samsvar med deflatoren i statsbudsjettet. Prosentsatsen kan generelt vere justert noko for å få heile kronesummar.

Gebyr- og betalingssatsane er rekna ut i høve til forslag til nivå på inntektene i detaljbudsjett for 2022. Lågare satsar enn kva rådmannen foreslår krev politisk vedtak på auka ramma, evt redusert aktivitet for å unngå rammeauke.

Her følgjer ei grunngjeving for dei tilfella der satsane er foreslått auka meir enn 2,5 %, evt redusert, eller som er nye i høve til 2021.

Konsesjonssaker og delingssaker etter jordlova:

- Statleg regulerte satsar.

Viltforvaltning:

- Ingen auke fordi ramma er tilstrekkeleg

Kommunale barnehagar:

- Foreldrebetaling: Statleg regulert makspris
- Måltid: ingen auke fordi ramma er tilstrekkeleg
- Sein henting: redusert fordi omfanget er lite

Pleie og omsorgstenester:

- Opphald i institusjon: Statleg regulert egenandel, som ikkje er meldt ut til kommunen enno

Bygg og anlegg:

- Bistand frå kommunalt tilsette: auka med 11% for å nå 100% inndekning av lønskostnadene
- Turnhall vaksne, frivillige lag i Alver: nytt gebyr – nye Alversund skule.
- Turnhall vaksne, bedriftsidrett mm utanfor Alver: nytt gebyr – nye Alversund skule

Kulturskulen:

- Instrumentleige 2. og 3. året: Ordninga er i utgangspunktet meint å vere eit tilbod til nye elevar. Utleige over fleire år utfordrer ordningar, og satsane er foreslått auka for å stimulere til at elevane får seg eigne instrument etter det første året. Kostnadskreivande instrument har andre ordningar.

Alkohol, saksløyve og skjenking:

- Statleg regulerte satsar, som ikkje er meldt ut til kommunen enno

Fyrverkeri, saksbehandlingsgebyr:

- Nytt gebyr, valgt same satsar som andre kommunar nyttar

Vedlegg i saken:

25.11.2021	Gebyr og betalingssatsar - framlegg	1649017
25.11.2021	Gebyr og betalingssatser - prinsipp	1648709
23.11.2021	Momentum budsjettnotat RBO 2022 (arealtenestene)	1648711
23.11.2021	Momentum budsjettnotat VAF 2022 (vatn, avløp og feiing)	1648712
25.11.2021	Vass- og avløpsgebyr i Alver kommune 2022 samla, framlegg 19.11.2021	1648713
25.11.2021	Kommunal saksførebuing til budsjett 2022 - gebyr slam	1648714
25.11.2021	Kommunal saksførebuing til budsjett 2022 - gebyr renovasjon	1648716
23.11.2021	Festeavgift 2022 - Forslag fra Alver kyrkjelege fellesråd	1648718
23.11.2021	Festeavgifter	1648719

Arkiv: <arkivID><jpID> FE-145
JournalpostID:
Sakshandsamar:
Dato: 19.11.2021

Saksframlegg

Saksnr.	Utval	Møtedato
050/21	Eldreråd	29.11.2021
052/21	Råd for menneske med nedsett funksjonsevne	29.11.2021
055/21	Ungdomsråd	29.11.2021
034/21	Administrasjonsutval	01.12.2021
117/21	Alver formannskap	02.12.2021
	Alver kommunestyre	

Økonomiplan 2022 - 2025

Rådmannen sitt framlegg til vedtak:

1. Investeringsbudsjettet for 2022 og for økonomiplanperioden 2022-2025 blir vedteke jfr. Bevilgningsoversikt Investering etter § 5-5. Budsjettet er basert på forventet framdrift på tidlegare vedtekte prosjekt, i tillegg til nokre nye mindre prosjekt. Sum investeringsutgifter i 2022 vert budsjettet med 272 463 000 kr. Bruk av lånemidlar vert budsjettet med 215 788 000, og av dette er kr 170 000 000 opptak av nye lån og resten vert finansiert med ubrukne lånemidlar. Øvrig finansiering framgår av bevilgningsoversikta.
2. Økonomiplan for 2022-2025 og årsbudsjett for 2022 blir vedteke, jfr. Bevilgningsoversikt drift §5-4 og økonomisk oversikt drift §5-6. Årsbudsjettet for 2022 blir vedteke med sum netto driftsrammer for dei sju sektorane, jf. eigen tabell.
3. Rådmannen får fullmakt til å fordele sentralt avsett lønsauke til sektorane når årets lønsforhandlingar er gjennomført.
4. For skatteåret 2022 skriv Alver kommune ut eigedomsskatt etter eigedomsskattelova §§ 2 og 3 første ledd bokstav c, «berre på kraftverk, vindkraftverk, kraftnettet og anlegg omfatta av særskattereglane for petroleum», slik bestemmelsen lyder frå 1. januar 2019. Skattesatsen er 7 promille, jf. eigedomsskattelova §§ 10 og 11. Alver kommune vil i 2022 skrive ut eigedomsskatt på «et særskilt fastsett grunnlag» i samsvar med overgangsregelen til eigedomsskattelova §§ 3 og 4, første ledd, slik at verdien av produksjonsutstyr og – installasjonar fasast ut med 1/7 for verk og bruk som frå og med 2019 er å sjå på som næringseigedom. Det særskilte grunnlaget skal i 2022 vere lik 3/7 av differansen mellom eigedomsskattegrunnlaget i 2018 og 2019 som er forårsaka av at produksjonsutstyr- og installasjonar ikkje skal reknast med i grunnlaget. Alver kommune vil i 2022 skrive ut eigedomsskatt på bygningar og grunnareal for anlegg nevnt i punktet over i samsvar med overgangsregelen til eigedomsskattelova §§ 3 og 4, andre ledd. Eigedomsskatten skal betalast i tre terminar, jf. Eigedomsskattelova § 25.
5. Det vert gjeve ei ramme på 1 809 000 kr til kontrollutvalet.
6. Det vert gjeve eit driftstilskot til Alver kyrkjelege fellelsråd på 25 959 000 inkl. dekking renter og avdrag på lånet for kyrkja i Knarvik.
7. Skatteøre vert sett lik maksimal sats i samsvar med Stortinget sitt vedtak om kommunalt skatteøre.
8. Godtgjersle til ordførar var per 01.01.2021 987 997 kr og til varaordførar 592 798 kr. Løna skal regulerast

per mai 2021 og 2022 i samsvar med endringar i løn til stortingsrepresentantar. Løna for 2021 er ikkje regulert ved utarbeiding av budsjett for 2022.

Politisk handsaming

Saka skal til uttale i råd for menneske med nedsett funksjonsevne, eldrerådet, ungdomsrådet og administrasjonsutvalet.

Saka skal til innstilling i formannskapet.

Saka skal avgjerast i kommunestyret.

Saksopplysningar:

På denne lenka ligg framlegg til budsjett 2022 og økonomiplan 2022-2025:

https://pub.framsikt.net/2022/alver/bm-2022-budsjett_2022_og_økplan_2022-2025_-_framlegg/

Arkiv: <arkivID><jpID> FE-033
JournalpostID:
Sakshandsamar:
Dato: 25.11.2021

Saksframlegg

Saksnr.	Utval	Møtedato
118/21	Alver formannskap	02.12.2021

Melding/orientering til formannskapet 02.12.2021

Rådmannen sitt framlegg til vedtak:
Meldinga vert teke til orientering

Politisk handsaming
Saka skal avgjerast i formannskapet

Melding/orientering:

- Avtale Kystverket – notat
- Røde kors – konsept
- Klage på Stortingsvalet 2021 med svar

Vedlegg i saken:

25.11.2021	Orienteringsnotat_samarbeidsavtale med Kystverket	1649806
	Miljøberedskap FO 02.12.2021	
25.11.2021	Røde kors	1650079
25.11.2021	Klage på Stortingsvalget 2021 i Alver kommune (L)(553854)	1650080
25.11.2021	Svar på klage på Stortingsvalget 2021 i Alver kommune (L)(558997)	1650081